



Bilten Saveza općina i gradova Federacije Bosne i Hercegovine



Godina: XXII

Datum: 24.03.2025.

Broj: 299

ZAVRŠENA PROCEDURA PREDLAGANJA KANDIDATA U ORGANE I TIJELA SOGFBIH U SVRHU PRIPREME ZA IZBORNU SKUPŠTINU

U prethodnom periodu, u organizaciji Saveza općina i gradova Federacije Bosne i Hercegovine, u svih deset kantona/županija u Federaciji Bosne i Hercegovine održani su sastanci u cilju pripreme Izborne skupštine Saveza na kojima su predloženi kandidati za organe i tijela Saveza.

Sastanci su održani kako slijedi:

25.12.2024. godine –
Bosansko-podrinjski kanton Goražde

Sa sastanka u Bihaću

14.01.2025. godine – Tuzlanski kanton

20.01.2025. godine – Posavski kanton

23.01.2025. godine – Kanton Sarajevo

28.01.2025. godine – Srednjobosanski kanton

10.02.2025. godine – Zeničko-dobojski kanton

17.02.2025. godine – Hercegovačko-neretvanski kanton

07.03.2025. godine – Zapadnohercegovačka županija

12.03.2025. godine – Hercegbosanska županija

18.03.2025. godine – Unsko-sanski kanton

Na ovim sastancima su predloženi kandidati za članove Predsjedništva Skupštine Saveza u kojem jedinice lokalne samouprave iz svih kantona/županija imaju svoje predstavnike, kao i

za rukovodeće pozicije i radna tijela Saveza. Liste sa prijedlozima kandidata će biti dostavljene Komisiji za izbor i imenovanja na dalje razmatranje. Sjednica Izborne skupštine Saveza je planirana za 24.04.2025. godine.



Sa sastanka u Travniku

USLUGE SAVEZA:

• PRAVNO SAVJETOVALIŠTE:

Selma Fišek, viši saradnik za pravna pitanja
selma@sogfbih.ba

• FINANSIJSKO SAVJETOVALIŠTE

Halko Basarić, viši saradnik za finansijska pitanja
halko@sogfbih.ba

KORISNI LINKOVI ZA FONDVE EU:

www.southeast-europe.net
www.adriaticinnovationmap.eu
www.adrioninterreg.eu
www.europa.ba
www.cbibplus.eu
www.cbc.bih-mne.org
www.srb-bih.org
www.interreg-hr-ba-me2014-2020.eu
www.programmmed.eu
<https://tacso.eu/>
<https://evinfo.ba/en/>
www.balkanfund.org
<https://eacea.ec.europa.eu>
www.welcomeurope.com

ADRESA:

Musala br.5/1
71000 Sarajevo
Telefon: +387 33 216 502,
209 024, 209 120
fax: +387 33 552 810
savez@sogfbih.ba

ZAPOČEO CIKLUS UVODNIH OBUKA ZA IZABRANE ZVANIČNIKE

Savez općina i gradova Federacije Bosne i Hercegovine, u okviru sistema obuke za jedinice lokalne samouprave, izrađuje godišnji okvirni plan obuka izabranih zvaničnika i zaposlenika u jedinicama lokalne samouprave i o tome izvještava svoje članice. Plan obuke se izrađuje u skladu sa strateškim dokumentima i Odlukom o osiguranju finansijske održivosti obuke za zaposlenike i izabrane zvaničnike u jedinicama lokalne samouprave Federacije Bosne i Hercegovine.

Kako su prošle godine održani lokalni izbori, čime je došlo i do personalnih promjena u sastavima općinskih/gradskih vijeća i na mjestima (grado) načelnika, Savez je krajem decembra 2024. godine anketirao sve jedinice lokalne samouprave o potrebi pohađanja "Uvodne obuke" za sve vijećnike.

U skladu sa rezultatima ankete, odnosno iskazanim interesom općina i gradova, Savez će tokom ove godine održati oko 15 obuka Kojima će biti obuhvaćeno 20 jedinica lokalne samouprave.

Učešće u ovim obukama mogu da uzmu i vijećnici kojima ovo nije prvi mandat, (grado)načelnici, zaposlenici u službi vijeća, kao i drugi zaposlenici općine/grada.

Novoizabrani lokalni zvaničnici u pravilu nisu imali priliku da se na sistematičan i praktičan način upoznaju sa najvažnijim aspektima sistema lokalne samouprave i ključnim elementima njenog funkcionisanja. Stoga je cilj ovih obuka da pomogne novoizabranim vijećnicima da steknu polazni uvid u funkcionisanje lokalne samouprave, kako bi mogli da uspješno izvršavaju svoje uloge i odgovornosti i sarađuju sa drugim odgovornim akterima. Obuka ima uvodni karakter i obuhvaća sljedeće oblasti:

- Lokalna uprava u Bosni i Hercegovini: pregled i pravni okvir
- Struktura i funkcionisanje lokalne samouprave
- Upravljanje lokalnim razvojem i upravljanje nekretnostima
- Upravljanje budžetom i finansijama
- Pružanje javnih usluga
- Rodna ravnopravnost
- Transparentnost rada organa jedinica lokalne samouprave i međuopćinska/međugradska saradnja
- Korupcija i sukob interesa.

Do sada obuke su održane u sljedećim mjestima:

- Općina Foča u FBiH, 17.02.2025.
- Grad Goražde, 25.02.2025.
- Općina Gornji Vakuf Uskoplje, 27.02.2025.
- Grad Tuzla, 13.03.2025.
- Općina Čelić, 20.03.2025.



Sa obuke u Goraždu



Sa obuke u Tuzli



Sa obuke u Gornjem Vakufu - Uskoplju



Cilj sastanka bio je otvoriti prostor za diskusiju o različitim modelima institucionalnih mehanizama za ravnopravnost spolova unutar lokalne vlasti, uključujući izvršne i predstavničke organe, te izraditi praktične smjernice za unapređenje njihove efikasnosti.

ODRŽAN TEMATSKI SASTANAK MREŽE ZA RAVNOPRAVNOST SPOLOVA SAVEZA OPĆINA I GRADOVA FBiH

Tematski sastanak Mreže za rodnu ravnopravnost SOGFBIH održan je u Sarajevu, 26.02.2025. godine. Cilj sastanka bio je otvoriti prostor za diskusiju o različitim modelima institucionalnih mehanizama za ravnopravnost spolova unutar lokalne vlasti, uključujući izvršne i predstavničke organe, te izraditi praktične smjernice za unapređenje njihove efikasnosti.



Uvodne riječi održale su Nina Mujkanović, predsjednica Mreže za rodnu ravnopravnost SOGFBIH (Grad Lukavac) i Mirela Čaušević, koordinatorka za rodnu ravnopravnost (SOGFBIH), predstavljajući djelovanje i mehanizam SOGFBIH Mreže za rodnu ravnopravnost. Mreža za rodnu ravnopravnost SOGFBIH okuplja preko 40 službenika/ca jedinica lokalnih samouprava koji, između ostalog, razvijaju i prate provođenje rodno odgovornih politika lokalne samouprave. Mreža je oformljena u maju/svibnju 2024. godine, a djeluje kao neformalno konsultaciono i savjetodavno tijelo Saveza općina i gradova Federacije Bosne i Hercegovine koja u svom radu razmjenjuje, prenosi znanja, iskustva, vještine i dobre prakse u radu službenika/ica jedinica lokalne samouprave, razmatra i daje prijedloge za unapređenje poslova, funkcija i prakse iz oblasti rodne ravnopravnosti, organizuje stručne skupove i savjetovanja na teme koje su vezane za djelokrug rada Mreže. Kako bi djelotvornost tematskih sastanaka bila što bolja, poželjno je da se nastoji osigurati kontinuitet službenik/ca koji uzimaju aktivno učešće u radu mreže.

Cilj Mreže je unapređenje rada, stručnog znanja i dobrih praksi iz rodne ravnopravnosti, realizacije gender akcionih planova, te praćenja i izvještavanja o ostvarenim rezultatima JLS. Mreža je usmjerena prema izvedbi - raspravljane teme usmjerene su prema realizaciji/upotrebi/izvedbi i kako bi principi ravnopravnosti spolova mogli postati praksa i stvarnost, a ne samo povremena obaveza.

Program tematskog sastanka održanog u februaru/veljači 2025. godine je obuhvatio analizu razvoja institucionalnih mehanizama kroz iskustva različitih zajednica, predstavljanje modula obuke za komisije za ravnopravnost spolova pri općinskim/gradskim vijećima, kao i razmatranje institucionalnih mehanizama u gradskoj ili općinskoj upravi. Također, diskutovalo se o iskustvima i postupku pripreme lokalnih akcionih planova za ravnopravnost spolova na razmeđu predstavničke i izvršne vlasti. Izvještaj i zaključci sa sastanka Mreže za ravnopravnost spolova SOGFBIH: <https://sogfbih.ba/dokumenti/izvjestaj-i-zakljucci-sa-sastanka-mreze-za-ravnopravnost-spolova-sogfbih>

PODRŠKA RADU JU EDUKACIJSKO REHABILITACIJSKI CENTAR ZA DJECU, MLADE I ODRASLE OSOBE S TEŠKOĆAMA U RAZVOJU GRADA LJUBUŠKI

U sklopu projekta "Regionalna saradnja za poboljšanje socijalnu inkluziju na lokalnom nivou" i principa Nikoga ne zapostaviti, Savez općina i gradova Federacije BiH u saradnji s Gradom Ljubuški u utorak 25. februara 2025. godine uručio vrijednu donaciju JU EDUKACIJSKO REHABILITACIJSKOM CENTRU ZA DJECU, MLADE I ODRASLE OSOBE S TEŠKOĆAMA U RAZVOJU GRADA LJUBUŠKI.

Ovoj ustanovi je dodijeljena oprema (informatička, didaktička oprema, kao i kućanski aparati) koja treba da unaprijedi kvalitetu pružene usluge za korisnike ovog centra.

Prilikom dodjele ove vrijedne donacije, šefica Odsjeka za društvene djelatnosti i zajedničke poslove Grada Ljubuškog, gospođa Sandra Bradvica je podcrtala značaj rada ovog Centra za njegove korisnike i naglasila potrebu i opredijeljenost lokalne zajednice za daljnjim ulaganjem u razvoj kvalitetnih programa koji trebaju da poboljšaju kvalitetu života ove populacije.



Projektni menadžer, Amir Kupusija se zahvalio gradonačelniku i uposlenicima gradske uprave na aktivnoj saradnji na ovom projektu i istakao da je ova lokalna zajednica napravila veliki iskorak po pitanju socijalnih usluga i definitivno je primjer dobre prakse u Bosni i Hercegovini, ali i regionu.

Projekat se provodi uz podršku NALAS-a, Mreže asocijacija lokalnih vlasti Jugoistočne Evrope i GIZ-a Njemačkog društva za međunarodnu saradnju (Deutsche Gesellschaft für Internationale Zusammenarbeit). Cilj projekta je pružanje podrške i pomoći dnevnim centrima za djecu sa poteškoćama u razvoju i sprovođenje socijalnog mapiranja i donošenja politika zasnovanih na dokazima najugroženijim grupama stanovništva u FBiH.



Implemented by
giz Deutsche Gesellschaft
für Internationale
Zusammenarbeit (GIZ) GmbH

OPĆINAMA I GRADOVIMA IZ V KATEGORIJE RAZVIJENOSTI DODJELJENO 2 MIL. KM IZ BUDŽETA FBiH ZA 2025. GODINU

Savez općina i gradova Federacije Bosne i Hercegovine već duži vremenski period zalaže se za poseban tretman malih i nerazvijenih općina u sistemu javnih finansija u Federaciji Bosne i Hercegovine, odnosno kroz mehanizam raspodjele javnih prihoda. Upućeno je više inicijativa za izmjenu zakonskih propisa kojima bi male općine imale poseban tretman, t.j. kako bi im se dodijelio dostatan izvor sredstava kako bi mogli obavljati nadležnosti koje su im dodjeljene. Sve jedinice lokalne samouprave u FBiH imaju iste funkcije i nadležnosti, bez obzira na veličinu ili urbanost/ruralnost, a s druge strane nisu sve u mogućnosti finansirati ove nadležnosti iz prihoda koje ostvaruju, bilo vlastitih ili dijeljenih sa višim nivoima vlasti.

Na inicijativu Saveza pozitivno je odgovorila Komisija za lokalnu samoupravu Predstavničkog doma Parlamenta FBiH, koje je i uputila amandman na Budžet FBiH za 2025. godinu, kojim se realocira 2 mil. KM za tekući transfer za male općine iz kategorije V po metodologiji Federalnog zavoda za programiranje razvoja, a što je prihvaćeno od Federalne vlade i uvršteno u Budžet za 2025. godinu. U ovu kategoriju spada ukupno 13 jedinica lokalne samouprave od ukupno 80, koje su rangirane koristeći niz indikatora za mjerenje razvijenosti. Inače, metodologija kojim se trenutno dijele prihodi u FBiH također mjeri razvijenost, te se 7% prihoda dijeli na osnovu tog parametra, ali se koriste zastarjeli podaci z 2005. godine kojim nije moguće mjeriti stvarno i trenutno stanje razvijenosti općina i gradova u FBiH.

Ova alokacija sredstava sigurno će pomoći malim općinama da prebrode krizu poslovanja u tekućoj fiskalnoj godini, međutim bit će potrebno raditi na izmjenama Zakona o pripadnosti javnih prihoda u FBiH kojim bi se bolje uredila pozicija malih općina u sistem javnih finansija, a posljedično i ostalih jedinica lokalne samouprave.



JAVNI POZIV ZA PRIJAVU EKSPERATA IZ OBLASTI UPRAVLJANJA VODNIM SEKTOROM ZA ANGAŽMAN U RADNOJ GRUPI SAVEZA

Savez općina i gradova Federacije Bosne i Hercegovine u okviru projekta „Unapređenje procedura i razvoj kapaciteta iz oblasti vodosnabdijevanja u Federaciji Bosne i Hercegovine“, raspisuje javni poziv za izbor tri eksperta iz oblasti upravljanja vodnim sektorom za angažman u Radnoj grupi koja će raditi na izradi politika koje imaju za cilj unapređenje sektora vodosnabdijevanja, odvodnje i prečišćavanja otpadnih voda u Federaciji Bosne i Hercegovine.

Prijavu je potrebno dostaviti **najkasnije do 25. marta 2025. godine** putem e-maila dino@sogfbih.ba

Više informacija možete naći na web stranici Saveza

<https://www.sogfbih.ba/vijest/javni-poziv-za-prijavu-eksperta-iz-oblasti-upravljanja-vodnim-sektorom-za-angazman-u-0>

Javni poziv: https://sogfbih.ba/sites/default/files/press/dodatak/2025-03/ToR%203.1_1.pdf



JAVNI POZIV ZA JEDINICE LOKALNE SAMOUPRAVE U BOSNI I HERCEGOVINI ZA PODNOŠENJE PRIJAVA ZA UČEŠĆE U PROVEDBI REGIONALNOG PROGRAMA LOKALNE DEMOKRATIJE NA ZAPADNOM BALKANU 3 (RELOAD3)



Regionalni program lokalne demokratije na Zapadnom Balkanu 3 (ReLOaD3) finansira Evropska Unija, a provodi Razvojni program Ujedinjenih nacija (UNDP), na teritoriji Zapadnog Balkana u: Albaniji, Bosni i Hercegovini, Crnoj Gori, Kosovu, Sjevernoj Makedoniji i Srbiji. ReLOaD je započeo treću fazu provedbe 1. februara, 2025. godine i tokom naredne četiri godine cilj programa će biti jačanje participativne demokratije i euroatlantskih integracija na Zapadnom Balkanu, kroz osnaživanje civilnog društva i građana za aktivno učešće u donošenju odluka, kao i unapređenje pravnog i finansijskog okruženja pogodnog za organizacije civilnog društva (OCD).

Pozivaju se jedinice lokalne samouprave (JLS) iz Bosne i Hercegovine, **koje nisu učestvovala u prethodnim fazama ReLOaD programa i projekta Jačanje lokalne demokratije (LOD projekat)**, da izraze interes za učešće u ReLOaD3 (Grupa 2). Najmanje šest JLS će biti izabrano iz Grupe 2 putem ovog javnog

poziva, dok će najmanje sedam partnerskih koje su već učestvovala u gore navedenim projektima biti izabrane direktnim pozivom (Grupa 1).

Podnošenje prijava i rokovi

Prijavni set dokumentacije, koji uključuje Prijavni obrazac i Pismo namjere (Prilog 1), dostupan je na web stranici UNDP-a: www.undp.org/bosnia-herzegovina, u sekciji **Procurement** i na web stranici **Saveza** <https://bit.ly/4kHLwm3>. Na istom linku možete pronaći i **Smjernice za prijavu**, koje pružaju sve potrebne informacije o kriterijima, dokumentaciji i procesu odabira.

Prijavni obrazac i Pismo namjere moraju biti potpisani i ovjereni te dostavljeni u štampanoj i elektronskoj formi. Kompletan set, s pratećom dokumentacijom, dostavlja se elektronski na označenom USB-u, putem preporučene pošte ili lično na sljedeću adresu:

UNDP BiH

Za: Regionalni program lokalne demokratije na Zapadnom Balkanu 3 – ReLOaD3
Zgrada Ujedinjenih nacija
Zmaja od Bosne bb
71000 Sarajevo
Bosna i Hercegovina

Rok za predaju prijava je **11. april, 2025. godine do 15:00 sati**. Prijave dostavljene nakon navedenog roka će biti razmatrane jedino u slučaju da poštanski žig ukazuje na datum i vrijeme slanja prije zvaničnog isteka roka. Vanjska strana koverta mora sadržavati naznaku: **ReLOaD3 Javni poziv za JLS, Naziv i adresu JLS, uz napomenu "Ne otvarati prije zvaničnog otvaranja"**.

Prvi, od četiri planirana „Info dana“ za JLS, održat će se u prostorijama **Saveza opština i gradova Republike Srpske u Bijeljini, ul. Potporučnika Smajića 18, treći sprat, u četvrtak, 27. marta, 2025. u 13:00 sati**.

2. Info dan će se održati u Sarajevu, 3. aprila sa početkom u 12h, **3. Info dan** će se održati u Mostaru, 8. aprila sa početkom u 12h i **4. Info dan** će se održati u Banja Luci, 10. aprila. Lokacije će biti naknadno objavljene na web stranicama UNDP BiH, SOGFBiH i SOGRS.

Za dodatne informacije i pojašnjenja potrebno je poslati upit na e-mail adresu:

reloadjavnipoziv@undp.onmicrosoft.com, sa naznakom **ReLOaD3** u naslovu, najkasnije četiri dana prije krajnjeg roka za predaju prijava (**do 7. aprila, 2025. godine do 15:00 sati**). Odgovori će biti dostavljeni najkasnije u roku od tri radna dana nakon prijema upita.

11. POZIV ZA SUFINANSIRANJE INVESTICIJSKIH PROJEKATA U OKVIRU INVESTICIJSKOG OKVIRA ZA ZAPADNI BALKAN (WBIF)

Evropska komisija objavila je 11. poziv za dostavljanje aplikacija za sufinansiranje investicijskih projekata u okviru Investicijskog okvira za Zapadni Balkan (WBIF) iz sredstava Instrumenta za reforme i rast (RGF). Ova sredstva, koja uključuju kombinaciju grantova i koncesionalnih kredita, namijenjena su za podršku projektima u svim oblastima, osim zaštite okoliša i klimatskih akcija, koji se finansiraju iz IPA sredstava. Također, mali iznos sredstava iz fonda bilateralnih donatora bit će dostupan za projekte koji nisu podobni za financiranje iz RGF-a.

Pozivaju se jedinice lokalne samouprave (JLS) iz Bosne i Hercegovine, koje nisu učestvovala u prethodnim fazama ReLOaD programa i projekta Jačanje lokalne demokratije (LOD projekat), da izraze interes za učešće u ReLOaD3. Rok za predaju prijava je 11. april, 2025. godine do 15:00 sati.

Prilikom pripreme projektnih prijedloga, posebnu pažnju treba obratiti na sljedeće:

- Da projektni prijedlozi budu povezani sa Ekonomskim i investicijskim planom za Zapadni Balkan (EIP), odnosno na EIP flagship (ili da spadaju u obim EIP flagship-a)
- Na postojanje usvojenih relevantnih državnih strateških dokumenata.

U skladu sa instrukcijama za izradu i dostavljanje aplikacija u BiH sa rokovima za izvršavanje aktivnosti (Prilog 2) molimo vas da najkasnije do 30.04.2025. godine Direkciji za evropske integracije putem elektronske pošte:

sabina.dizdarevic@dei.gov.ba i jasmina.cengic@dei.gov.ba

dostavite nacрте aplikacija u formi GAF (prilog 3). Finalne aplikacije, kao i ocjena zadovoljavanja kriterija 11. investicijskog poziva (Prilog 4) trebaju biti dostavljene Direkciji za evropske integracije putem dopisa, najkasnije do 30.05.2025. godine, kako bi se na osnovu dostavljene ocjene sačinio prijedlog liste aplikacija za usvajanje od strane Državnog odbora za investicije Bosne i Hercegovine.

Samo dobro napisani projektni prijedlozi, nakon što prođu provjeru će dobiti pozitivnu ocjenu.

Više informacija možete naći na web stranici Saveza <https://www.sogfbih.ba/vijest/11-poziv-za-sufinansiranje-investicijskih-projekata-u-okviru-investicijskog-okvira-za>

Javni poziv: https://www.sogfbih.ba/sites/default/files/press/dodatak/2025-02/Poziv_11_INV_WBIF.pdf

NAJAVA OBILJEŽAVANJA DANA OPĆINA / GRADOVA ZA MJESEC APRIL / TRAVANJ

06. april/travanj - Dan Grada Sarajeva. Obilježava se kao sjećanje na oslobođenja grada 1945. godine.



06. april/travanj - Dan Općine Breza. Obilježava se kao dan oslobođenja Breze od fašista 1945. godine.



15. april/travanj - Dan Općine Kakanj. Obilježava se u čast sjećanja na prvo spominjanje imena Kakanj u pisanim izvorima. Na taj dan 1392. godine kralj Stjepan Dabiša darovao je vojvodi Hrvoju Vukčiću dva sela u okolini Kakanja. Općinsko vijeće Kakanj je 14. marta 1996. godine odlučilo da se 15. april proglasi Danom Općine Kakanj.



28. april/travanj - Dan Općine Vitez. Na ovaj dan 1952. godine Narodna skupština NR BiH donijela je Zakon kojim je formirana Općina Vitez.

Gledajte Savez općina i gradova
Federacije Bosne i Hercegovine na



facebook
Savez općina i gradova Federacije
Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način pružamo informacije o održanim sjednicama organa i tijela Saveza, konferencijama, seminarima, radionicama, okruglim stolovima, javnim raspravama, projektnim aktivnostima i sl.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba; ili putem popunjavanja forme na našoj web stranici.

Molimo vas da informacije o našem biltenu prosljedite svima u vašoj i susjednim JLS i drugim zainteresiranim.

Ukoliko želite da objavite neke od vaših novosti, iskoristite bilten Saveza koji je brz i efikasan način komuniciranja.

Sa zadovoljstvom očekujemo vaše komentare, sugestije ili primjedbe.